

HIERONYMUS.

ΕΤ' ΣΕΒΙΟΣ.

EUSEBIUS.

PHALLON, undè nomen patronymicum Phallonites, vicus vel oppidulum ignobile in tribu Ephraim, 1 Paral. xxvii. v. 10.

PHANUEL. Vide FANUEL.

PHARAN. Vide FARAN.

PHARATON. Vide FRAATON.

PHARPHAR. Vide FARFAR.

PHARURIM, cujus fit mentio 4 Reg. xxiii. v. 11. quis locus & ubi sit obsecrum est valdè: & verò sunt non pauci qui Hebræam vocem appellativè accipiunt, & pro *in Pharurim* reddunt *in suburbanis*, referuntque ad exedram illam seu cubiculum, de quo præcessit, & pro *qui* relativo reddunt *quæ* vel *quod*, pro ut vox, quæ præcedit, postulat. Nihilominus nihil vetat pro loci nomine proprio cum Hieronymo, & Septuaginta Interpretibus accipere, præsertim cum non satis appareat quomodo illi solis equi, quorum ibi fit mentio, essent in introitu templi Domini, & simul juxta exedram, quæ esset in suburbano loco. Itaque relativum *qui* retineo, ut is dicatur fuisse, seu habitasse *in Pharurim*; vel natalem ibi domum habuisse, nihilominus cum locorum nomina propria apud Hebræos ferè ex rebus ipsis sint sumpta, nomine autem urbis *נאח' עגור* meritò Judææ metropolis seu Jerusalem intelligi debeat, ita nomine *Pharurim*, seu *suburbani loci* absolutè positi locus eidem urbi vicinus videtur intelligendus. Addo tamen postremò nomine *Pharurim* vel *suburbiorum* rectè posse intelligi eam urbis partem ad Occidentem templi, quæ monti Sion & urbi superiori subjecta erat: quam explicationem nos ad illum locum præferemus, & pluribus comprobabimus.

PHASELIS, cujus fit mentio 1 Machab. xv. v. 23. Plinio, Straboni, Stephano urbs est Pamphylia in Minori Asia.

PHASGA. Vide FASGA.

PHATHURES. Vide FATURE.

PHAU, Idumæorum urbs, in qua natus Adar, vel Adad Idumæorum rex, Gen. xxxvi. v. 39. & 1 Paral. i. v. 50. Ea in hoc libro de locis Hebræicis dicta est *Fogo*, quæ vox sincerior est, quàm *Phogor*, ut ferè in Interpretibus Septuaginta legitur, præsertim in Genesi.

PHELON, undè patronymicum Phelonites, 1 Paral. ii. v. 36. eadem quæ PHALLON supra.

PHESDOMIM. Vide APHESDOMIM.

PHETROS, Isaia xi. v. 11. quæ urbs sit, vel regio, plerisque non satis est liquidum. Ibi Septuaginta Interpretes pro eo, quod versio nostra *Phetros* habet, ipsi *Babyloniam* dicunt, à quibus nolim dissentire; existimo tamen per *Babyloniam* non intellexisse eam quæ in Chaldaea est, sed alteram *Babylonem*, quæ est in Ægypto, nobilissimam videlicet & antiquissimam Ægypti urbem. Ratio hujus meæ opinionis sumi potest nonnulla ex ipso Isaia loco, ubi ante hanc vocem proxime Ægypti fit mentio; paulò post verò fit mentio Sennaar, in qua regione erat Babylon illa, quæ erat in Chaldaea, ut proinde longè videatur proclivius explicare de Babylone, quæ in Ægypto erat, quàm quæ in Chaldaea: sed præcipuè vero ad hanc opinionem me ducit, quod pro *Phetros* in Hebræo fit פתרוס *Pathros*, quæ vox alibi pluries habetur in Scriptura, pro qua in versione nostra *Pathures* dicitur; hanc autem *Pathures* ex aliis Scripturæ locis liquet in Ægypto fuisse, in eaque habitasse Judæos post captivitatem Babylonicam, qui è Judæa in Ægyptum profugerant Hieremia dissuadente, ab eodem Hieremia dicuntur Cap. 44. ab Isaia verò ibi supra reliquæ dicuntur à Deo colligendæ, & in Judæam revocandæ.

PHIHAHIROTH, locus juxta Mare Rubrum, juxta quem, & è regione cujus Israëlita castramentati sunt, priusquam sequenti nocte Mare Rubrum ex siccatò alveo trajicerent, Exodi xiv. v. 1. Num. xxxiii. v. 7, 8. Vide supra in IROTH, & quæ nos ad Exodi xiv. diximus.

PHILADELPHIA, cujus fit mentio Apoc. i. & iii. ad cujus Angelum, seu Episcopum scribit S. Joannes, videtur esse ea quæ in Lydia erat, cujus meminere Strabo, Stephanus, Ptolemæus; non autem ea, quæ in Cilicia: idque sive quia ista, quæ fuit Lydia, majoris fuit nominis, sive quia reliquæ omnes urbes, ad quarum Episcopos scribit S. Joannes, in eodem tractu ad mare Ægæum erant. Est & altera *Philadelpheia*, cujus sæpe fit mentio in hoc libro de locis Hebræicis, à qua aliarum civitatum sumitur distantia, urbs in Coele Syria Ammonitarum regia, cujus sub *Philadelphie* nomine etiam meminere Ptolemæus, Strabo, Stephanus, quam & *Ammana* alio nomine dictam ait Stephanus. In Scriptura sub *Philadelphie* nomine non fit ejus mentio, sed sub alio nomine sæpius, *Rabba* scilicet, vel *Rabbath*, vel cum addito *Rabbath filiorum Ammon*, ad distinctionem alterius *Rabbath*, quæ apud Moabitas erat. Vide supra in AMMAN, & infra in RABBA.

PHILIPPI, ad quorum cives est Apostoli Pauli epistola ad Philipenses dicta, Macedonia civitas est Ptolemæo, Stephano, & aliis.

PHILISTHÆA, PHILISTHIIM, PHILISTHINI. De his jam sæpius dictum. Vide CAPHTORIM, CERETHI, FILISTIM, PALÆTHINA.

PHISON. Vide FISON.

PHITHOM, urbs Ægypti ab Israëlitis ædificata, dum in Ægypto gravi servitute permerentur, Exodi i. v. 11. Eam hic liber de locis Hebræicis *Fithon* appellat.

PHOENICE, Syria regio Ptolemæo, Straboni, Plinio, Melæ, eademque ferè ad mare Mediterraneum juxta Libanum & Antilibanum, cujus urbes primariae fuerunt Tyrus & Sidon.

PHOGOR. Vide FOGOR.

PHRYGIA, Asia Minoris regio juxta Hellespontum, quam Ptolemæus in *Majorem* & *Minorem* distinguit.

PHUNON, mansio una filiorum Israël in deserto, Num. xxxiii. v. 42, 43.

PISCINA GABAON, ab urbe vicina sic dicta, juxta quam dimicarunt ex una parre Abner cum sociis, & ex altera parte Joab cum sociis, 2 Reg. ii. v. 13. ubi Abner cum suis in fugam est actus.

PIS-